

卷之十六

官師志

名宦

俱未經呈請崇祀

陳 霖

正藍旗漢軍時乾隆元年新設邑創規定矩井然有條任事六年實心實政邑民感恩有去思碑文在見賈志稿

唐文遠

貴州湄潭人歷任十載多惠政所至間

宣恩縣志

卷之十六

官師

一

有題詠亦翹然拔俗見賈志稿

賈思謨

四川銅梁舉人在任四年纂修邑志未果其志稿一本尚存為政簡易因公解任既去民猶思之見郡志

蘇於洛

河南湯陰進士嘉慶元年教匪擾來鳳土匪起為聲援公誘擒其魁餘黨悉就撫以功晉同知隨營辦理糧臺以病卒

於恩施之了木峪見郡志

浦寶光

安徽東流監生任乾壩巡檢兼來鳳典史堵勦教匪於宣恩縣之魚泉被害見郡志

曹芳祖

江西新建吏員任宣恩典史勤於供職教匪擾東鄉公率領鄉勇保護縣城日夜巡邏未嘗稍息賊知有備不敢窺賴

宣恩縣志

卷之十六

官師

二

公力也見郡志

李士高

浙江紹興府山陰縣人長於吏事節儉慈明愛民如子至於鋤奸除暴則絕不姑息士民仰之如慈父母焉去後里人立位祀之

張廷烜

甘肅通渭舉人任宣恩兩任凡十一年勸諭士民建修奎星閣文昌宮龍洞書

院聽斷如神士民畏威懷德至今猶頌之

鄭士楷

字元圃陝西鳳翔舉人在任四年實心行政清勤坦直民邀實惠道光二十九年歲飢發穀二千餘石救荒公出家貲買補之

宣恩縣志

卷之十六

官師

三